Tractatus physiologico-pathologicus de visione simplici et duplici ex principiis optices methodo euclidea deductus / a Joanne Petro Buchner.

Contributors

Buchner, Joannes Petrus.

Publication/Creation

Argentorati : Typis Simonis Kürsneri, M D CC LIII. [1753]

Persistent URL

https://wellcomecollection.org/works/mrsu7zhz

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org 52999/19

TRACTATUS

PHYSIOLOGICO - PATHOLOGICUS

DE

VISIONE SIMPLICI

ET

DUPLICI EX PRINCIPIIS OPTICES METHODO EUCLIDEA

DEDUCTUS

JOANNE PETRO BUCHNER

VILSEKIO-BAMBERGENSI

MEDICINÆ CULTORE

M D CC LIII.

CERTARACE RECEIVES

ARGENTORATI
Typis Simonis Kürsneri Cancell, Typogr.



337307

11 -



CAPUT I. DE VISIONE SIMPLICI.

S. 1.

Visio simplex est, quâ duobus oculis unum objectum videtur. Duplex quâ idem objectum dupliciter, seu duobus diversis in locis conspicitur.

S. 2.

Tunica externa totum oculi bulbum seu figuram sphæroideam constituens sclerotica, & pars ejus anterior, pellucida, ac in segmentum minoris sphæræ elevata Cornea vocatur. Pars bulbi oculi posterior, cujus non quidem medio, sed lateri nasum magis respicienti nervus opticus implantatur, Fundus oculi est. Membra oculi interior, sundum & latera usque ad peripheriam corneæ investiens, dein in cavitatem oculi undi-

A 2

que

que producta seu propendens Choroidea est. Hæc autem productio Uvea, & minor circulus, quo perforata est, Pupilla dicitur. Choroideæ hinc & uveæ duæ laminæ funt, quarum interior, nigro colore inducta, Membrana Ruyschii, uvez verò lamina exterior, seu anterior Iris dicitur. Posterior autem seu interior in varias duplicaturas, quæ radiorum ad instar ex origine uveæ natæ versus ejusdem terminos pergunt, colligitur, quos processus Ciliares nuncupant. Processus ergo Ciliares perinde ac lamina interior Choroideæ & Uveæ Nigri sunt. Et quia lamina anterior plus minus pellucet, hæc seu Iris exinde variis coloribus tincta apparet. Atque Uvea bulbum oculi in duo segmenta sphæroidea distinguit, ac minoris sphæræ segmentum Cornea, majoris reliquo scleroticæ ambitu complectitur. Lamina interior nigra choroideæ in fundo oculi & versus processus Ciliares alia adhuc membrana, tenui, Muciformi investitur, quæ Retina seu Amphibestroides est. Porro fundum oculi ad processus Ciliares usque occupat gelatinofus humor, tenuissimæ & pellucidæ Membranæ cellulis comprehensus, quem humorem vitreum & membranam, qua concluditur, Vitream dicunt. Huic è regione pupillæ fovea concava impressa est, cui longe adhuc spissior bumor, figura sua lentem utrinque, sed ex posteriori parte magis convexam, repræsentans, pellucidus tamen infinuatur, hicque Crystallinus & est, & dicitur. Atque duplici lamina membraneæ vitreæ, ab origine origine processium ciliarium, â quibus impressis succis nigredineque notatur, huc pergentis, complectitur, ac in loco suo sustinetur. Reliquam bulbi cavitatem, nempe segmenti sphæræ minoris, & quæ adhuc, etsi parva post uveam & pupillæ circulum occurrit, tenuis bumor, aqueus dictus, replet. Hæc oculi fabrica est.

S. 3.

Camera obscura construitur, si in pariete vel valva obscurati cubilis foramen circulare efformatur, huic lens utrinque convexa objiciatur, & certa in distantia linteum expandatur, in hoc enim imagines objectorum externorum, quæ luminis reflexos radios in foramen & objectam lentem imittunt, distincté, sed inverso situ depingentur. Porro ut objectorum proximiorum distinctæ in linteo imagines sint, id magis a lente removendum erit, ut verò objectorum remotiorum imagines distinctæ in linteo depingantur, id lenti propius admovendum. Atque si objecta externa moventur, imagines quoque in linteo locum mutant suum. Focum lentis dicunt locum in quo post lentem imagines objectorum pinguntur. Quare cum uvea pupillà ceu foramine circulari aperiatur, huicque lens seu humor crystallinus objiciatur lamina porro interior choroideæ nigra sit, atque in fundo oculi super hanc lintei ad instar Retina (§ 2.) expandatur, Segmen-

segmentum sphæræ majoris oculi est cameræ obscuræ compendium, seu parva Camera obscura, hincque objectorum visibilium imagines distinctæ in retina tanquam in linteo depingendæ, sed situ inverso. Atque ut objecta remota distincte videantur, seu ut eorum distinctæ in Retinâ imagines sint, hæc propius ad humorem crystallinum, ceu lentem opticam, admovenda est, seu minor Retinæ à crystallino distantia sit, necesse est. Ut autem pro-ximiora distincte videantur seu eorum distinctæ in Retinâ imagines occurrant, hæc magis â crystallino amovenda, five Retinæ magis ab humore crystallino distandum. Porro que moveri videntur eorum etiam in Retina imagines moventur. Unde consequitur eis, qui & remota & proxima æque distincte conspicere valent, distantiam Retinæ à cry-stallino variabilem esse. Causa hujus variationis sub judice ratione lis adhuc est. Porro sequitur, focum humoris crystallini, ut visio distinctà sit, in Retinam incidere debere.

S. 4.

Quodque objectum, seu punctum, quod videtur, per radios luminis quaqua versum restexos, cum unde quaque videri possit, conspicitur. Quare objectum luminis restexi conum ad oculum mittit, cujus apex est in ipso puncto viso, basis in pupilla, per refractionem vero coeuntibus iterum iisdem radiis, hoc punctum in Retinâ

3 (7) 56

Retinâ depingitur (§. 3.). Quare quodque pun-Eum per duos radiorum luminosorum conos videri tenendum est, quorum unus in objecto viso apicem, in pupilla vel eà corneæ parte, quæ pupillæ obducitur, Basin, alter bîc itidem Basin, sed apicem in Retinâ babeat. Si igitur lumen à corpore reslexum dispersumque in soco quodam colligatur, corpus denuò repræsentat.

9. 5.

Si oculus & perpendiculariter & horizontaliter ita dissecetur, ut & humor vitreus, & corneæ globofitas in duas partes plane æquales utraque sectione dividantur, linea intersectionis horum duorum planorum ad se perpendicularium axis opticus dicitur. Quare hic ultra corneam productus, & ad banc & ad bumorem aqueum, crystallinum ac vitreum perpendicularis est. Necesse enim est, ut per centra sentium harum & concavarum & convexarum transeat : qui verò radii per cen-trum transeunt lentium, seu sphærarum, quarum segmenta lentes sunt, ad lentes perpendiculares funt. Ut ex Catoptrica pernotum est. Quare cum radius ad lentem perpendicularis non refringatur, seu â lineâ recta quâ pergit, non deflectatur. (per exper. Catoptr.) A puncto viso emissus ille radius, qui cum axi optico congruit, seu coincidit, non refringitur, sed via recta ad retinam pergit. Reliqui verò qui non congruunt cum axi

axi optico, sed oblique in corneam & pupillam incidunt, in medio densiori refringuntur (per exper. Catoptr.) ita tamen, ut in Retina cum priori radio eodem in loco coincidant, ad formandam visi puncti imaginem (§. 3.), quæ alias non effingeretur (§. 4.). Quare punctum visum in eo loco retinæ depingitur, quo radius recta pergit, qui cum axi optico ad punctum visum producto congruit seu qui ad oculum perpendicularis est.

S. 6.

Puncto videndo utrumque oculum rectà obvertimus: quare radiorum ab illo quaqua verfum reflexorum unus necessario in utramque corneam & pupillam perpendiculariter incidit, reliqui obliquè. Ille ergo cum axi optico congruit (§. 5.), utriusque igitur axes optici producti in puncto viso coincident: cum itaque per hos axes aut perpendiculares radios objectum punctum videatur (§. cit.). Utroque oculo objectum in eodem loco, ut unum ergo, non ut duo videtur. Si per consequens axes optici in objecto coincidunt, seu si ad utrumque oculum perpendicularis est unus transmissorum radiorum, objectum duobus oculis non nisi ut unum apparere potest; cum utroque oculo in eodem loco videatur. Clara ergo est visionis simplicis ratio (§. 1.). Horopterem vero alias vocant lineam rectam, quæ per concursum axium opticorum productorum parallela

lela ad rectam, qua fundus utriufque oculi junctus concipi potest, ducitur. Quare ut visio sit simplex producti axes optici in horoptere coincidant, necesse est. Simul constat admodum convergentibus pupillis, ut minuta legentium, parum distare boropterem, minimum convergentibus autem, ut valde remota intuentium, admodum remotum esse. Porro cum quodque punctum per duos conos, quorum unus apicem in puncto viso, alter in retinâ, uterque autem Basin in corneæ parte pupillæ obversa habeat, videatur (§. 4.): patet in simplici visione axin coni in oculo existentis debere congruere cum axi optico, cum boc autem producto congruendum esse axi coni exterioris, binc utriusque coni axes ipsos congruere, seu unam eandemque lineam rectam formare, si extra bases producantur.

CAPUT II.

DE

VISIONE DUPLICI.

S. 7.

A Dmirandus Machinæ animalis architector bulbo oculi sex Musculos, quibus moveatur, objectisque ritè obvertatur (§. 6.) dedit, qua-

quatuor rectos, superiorem, inferiorem, & duos laterales, qui oculum introrsum, & ad suam quique plagam ducant; in orbita circa foramen opticum ex propagine duræ Meningis nati, & antrorsum profecti, in communem expansionem aponevroticam abeunt, quæ Tunicæ albugineæ nomine venit, atque conjunctiva contegitur, quæ continua membranæ palpebræ interiori, hinc & cuti ipsi prominentem bulbi partem investit. Dein duos dedit obliquos, oculum extrorfum ducentes: quorum adeo princeps functio est agentibus prioribus in situ obtinere oculum, ne nimium ducatur retrorfum, sed immuni situ rotetur solum, quo pupillæ directè videndis objectis obvertantur, axesque optici in punctis videndis, seu horoptere coincidant (§. 6.). Si itaque borum Musculorum ope alteruter vel uterque oculus non ita curate obverti obje-Etis possit, ut axes optici in iis, seu boroptere coincidant, objectum in duobus locis videndum est (§ cit.) in priori casu oculo sano, seu qui ita movetur, ut axis opticus incidat in objectum, in loco vero, ubi nimirum est, videtur, altero, qui non ita objecto obverti potest, in loco falso, seu ubi non est. In posteriori utroque oculo in locis falsis esse videtur. Videtur enim esse, quo axis coni in ipso oculo in-existentis (§.4.) productus cum horoptere coincidit (S. 6.) Manifesta ergo est ratio visionis duplicis (S. I.)

S. 8.

Musculi impotentia agendi, ejus Paralysis, perpetua vero & involuntariè continuata, ejus actio, seu contractio spasmus est; quare si quidam vel omnes Musculi unius aut utriusque oculi paralytici, aut spasmo affecti sint, cum tunc oculus affectus non ita objecto obverti possit, ut utriusque coni visorii eadem sit axis (S. 6.) dupliciter videnda sunt objecta (S. 7.). In specie spasmum musculorum bulbi oculi strabismum dicunt. Strabismus ergo visionis duplicis causa. Porro cum ab arbitrio dependeat Musculorum bulbi oculi actio, hinc voluntaria sit. Actiones vero voluntarii vel ægrè vel plane non ab ebriis peragi possint, alias ire, loqui possent, nec humi procumberent: eadem ratione intelligis, cur objecta duplicia videant ebrii, quomodo ipsis vitra stare videantur, ubi non sunt, seu in loco falso (§. 7.). Porro omnibus morbis in quibus stricturarum potentia fluidi nervei motum arbitrio animæ subducit, visus duplex accedere po-test (S. cit.) ut in delirio, Mania, Epilepsia accedente &c. prout historiæ morborum legentem instruunt.

S. 9.

Cum in visu simplici axibus opticis in horoptere coeundum sit (§. 6.) Si boropter admodum remotus sit (§. cit.) objecta proximiora, si admodum propinquus remota dupliciter videnda (§. 7.) de ultimo casu. vid. Exempl. apud FRID. HOFFM. Consul. Med. T. I. Casu VIII.

